

Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine, na 52. redovnoj sjednici održanoj 12. oktobra 2011. godine, usvaja

**ZAKON
O IZMJENAMA I DOPUNAMA
ZAKONA O PLATAMA I NAKNADAMA ZAPOSLENIH
U PRAVOSUĐU BRČKO DISTRIKTA BIH**

Član 1

U Zakonu o platama i naknadama zaposlenih u pravosuđu Brčko distrikta BiH (Službeni glasnik Brčko distrikta BiH, brojevi 13/07 i 19/07), u članu 10 stavovi 4 i 5 se brišu.

Član 2

Iza člana 10 dodaje se novi član 10a koji glasi:

**Član 10a
(Dodatak na platu za posebne uslove rada)**

- (1) Zavisno od rizika, složenosti poslova, posebnih uslova rada i primjene ovlaštenja, **komandir Sudske policije Brčko distrikta BiH (u daljnjem tekstu: Sudska policija) odlučuje o trajnom dodatku za posebne uslove rada na radnim mjestima u Sudskoj policiji**, na osnovu propisa koji donosi uz saglasnost Pravosudne komisije.
- (2) Dodatak za posebne uslove rada je trajno vezan za radna mjesta iz stava 1 ovog člana te ne može biti izmijenjen ukoliko ne nastupe novi posebni uslovi rada.
- (3) Dodatak za posebne uslove rada službenika Sudske policije iznosi 25% osnovne plate.
- (4) Dodatak za posebne uslove rada isplaćuje se službenicima Sudske policije za vrijeme trajanja bolovanja ukoliko je osnov bolovanja povreda na radu, profesionalno oboljenje, trudničko i porodiljsko bolovanje.
- (5) Sredstva za bruto plate zaposlenih na pozicijama “operater-asistent” u pravosuđu Brčko distrikta BiH, uvećavaju se do 9% i isplaćuju se na ime posebnih uslova rada, u skladu s pravilnikom koji donosi Pravosudna komisija.

Član 3

U članu 14 iza stava 2 dodaju se novi stavovi 3, 4 i 5 koji glase:

“(3) Izuzetno od stava 1 ovog člana službenik Sudske policije koji izgubi život na dužnosti sahranjuje se na trošak Sudske policije na mjestu koje odredi njegova porodica.

(4) Sudska policija snosi sljedeće posmrtno troškove:

- a) troškove za prevoz posmrtnih ostataka na mjesto sahrane;
- b) putne troškove za dva prateća lica;
- c) trošak za grobnicu ako nije već osigurana na drugi način;
- d) druge uobičajene troškove u iznosu koji određuje komandir Sudske policije.

(5) Porodica koju je **službenik Sudske policije iz stava 3 ovog člana** izdržavao ima pravo na jednokratnu finansijsku pomoć u iznosu posljednje plate koju je primio preminuli uvećanu šest puta.

Član 4 (Stupanje na snagu)

Ovaj zakon stupa na snagu danom usvajanja i objavit će se u Službenom glasniku Brčko distrikta BiH.

Broj: 01-02-466/11
Brčko, 12. oktobra 2011. godine

PREDSJEDNIK
SKUPŠTINE BRČKO DISTRIKTA BiH

Esad Atić, s.r.